



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1516955
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

11 հուլիսի 2022թ.

ք. Երևան
(կազմման վայրը)

Ակտի հասցեատեր

Ա/Ձ Տիգրան Մարդոյան

(անհատ ձեռնարկատիրոջ անունը, ազգանունը (անհատ ձեռնարկատեր եշումով) կամ իրավաբանական անձի անվանումը)

5	7	2	6	9	0	0	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Շիրակի մարզ, ք. Գյումրի, Գ. Նժդեհի փող. 20/6

(անհատ ձեռնարկատիրոջ հաշվառման հասցեն կամ իրավաբանական անձի գրավելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 20.05.2022թ-ի թիվ 1516955 որոշման համաձայն Ա/Ձ Տիգրան Մարդոյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի արդյունքում 16.06.2022թ-ին ժամը 11:05-ի սահմաններում ՀՀ ՊԵԿ ՀՕՀ աշխատակիցները ուսումնասիրության են ենթարկել Շիրակի մարզ, ք. Գյումրի, Շչերբինայի փողոցում կայանված «Վազ 2107» մակնիշի 15 SO 183 պետհամարանիշի ավտոմեքենան: Ուսումնասիրության արդյունքում պարզվել է, որ ավտոմեքենան շահագործվում էր Ա/Ձ Տիգրան Մարդոյանի կողմից, որը մատակարարման նպատակով տեղափոխում էր ընդհանուր 2.100 ՀՀ դրամ արժեքով ապրանքներ (բժշկական ձեռնոց 1 տուփ, 500 ՀՀ դրամ և բժշկական դիմակ 1 տուփ 1.600 ՀՀ դրամ): ՕՀՄ-ի շրջանակներում Ա/Ձ Տիգրան Մարդոյանը ներկայացրել է գրավոր հայտարարություն այն մասին, որ վերոնշյալ ավտոմեքենայով Շիրակի մարզ, ք. Գյումրի, Գ.Նժդեհի 20/6 հասցեում գտնվող ընկերության դեղատնից բեռնել և գնորդին էր մատակարարում ընդհանուր 2.100 ՀՀ դրամ արժեքով բժշկական ձեռնոց և դիմակ, որի վերաբերյալ ընկերության կողմից դուրս չի գրվել համապատասխան հաշվարկային փաստաթուղթ:

ՀՀ ՊԵԿ տեղեկատվական բազայում առկա տվյալների հետազոտումից պարզվել է, որ ընկերության կողմից ընդհանուր 2.100 ՀՀ դրամ ապրանքի տեղափոխման համար, 16.06.2022թ-ին ժամը 11:05-ի դրությամբ՝ դուրս չի գրվել համապատասխան հաշվարկային փաստաթուղթ:

Թիվ 1516955 արձանագրությամբ 22.06.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 30.06.2022թ. նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ա/Ձ Տիգրան Մարդոյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում Ա/Ձ Տիգրան Մարդոյանի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 2.100 ՀՀ դրամ, որի 50 տոկոսը կազմում է 1.050 ՀՀ դրամ, ուստի օրենսդրական պահանջից ելնելով Ա/Ձ Տիգրան Մարդոյանի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Տիգրան Մարդոյանին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2.Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Ձ Տիգրան Մարդոյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հարուկ առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)